



SAKSFRAMLEGG

Sakshandsamar:	Arkiv:	ArkivsakID
Ann Kristin Bolstad		23/292

Gjennomgang og revisjon av retningslinjer for tilskot til lag og organisasjonar

Kommunedirektøren sitt framlegg til vedtak:

Levekårsutvalet gjev følgjande innspel til revisjon av retningslinjer for tilskot til lag og organisasjonar:

Saksopplysningar:

Heimel

Budsjett 2023 har følgjande formuleringa i tekstdelen under tenesteområdet oppvekst og kultur:

- Korleis ein kan nytte ulike tilskotsordningar som tillitsbaserte støtteordningar målretta mot barn og unge som fell utanfor på grunn av manglande økonomi til å delta?
- Gå gjennom og revidera tilskot til lag og organisasjonar med mål om å fremja inkludering

Bakgrunn for drøfting

Vaksdal kommune gjer årleg tilskot til lag og organisasjonar. I 2023 er tilskota tilsaman kr. 640 000,-. Fordelinga sidan 2015 har vore som vist i tabell under:

	2015	2016	2017	2018	2019	2020	2021	2022	2023
Idrett	225 000	230 000	230 000	230 000	240 000	240 000	240 000	240 000	240 000
Song og musikklag	80 000	81 777	81 777	81 777	85 333	85 333	85 333	85 333	85 333
Instrument	32 500	33 222	33 222	33 222	34 667	34 667	34 667	34 667	34 667
Barne og ungdomsarbeid	10 000	10 000	10 000	10 000	10 000	10 000	10 000	10 000	10 000
Kulturstipend	10 000	10 000	10 000	10 000	10 000	10 000	10 000	10 000	10 000
Kulturpris	10 000	10 000	10 000	10 000	10 000	10 000	10 000	10 000	10 000
Ålment kulturarbeid	82 500	85 000	85 000	85 000	90 000	90 000	90 000	90 000	90 000
Dirigent vaksne	130 000	130 000	160 000	160 000	160 000	160 000	160 000	160 000	160 000
Sum	580 000	589 999	619 999	619 999	640 000	640 000	640 000	640 000	640 000

Det vart i 1996 utarbeida retningslinjer for tilskota. Retningslinjene vart noko revidert i 2014.

Slik er retningslinjene i dag:

Tilskot til idrettslag

Tilskot blir gitt til drift av barne- og ungdomsaktivitetar etter tilråding frå Idrettsrådet. Idrettsrådet held av ein pott til felles tiltak, som vert fordelt etter søknad. Tilskotet blir gitt til idrettsgreiner innanfor definisjon til Norges Idrettsforbund (NIF).

Tilskot til Vaksdalsmeisterskap blir gitt etter tilråding frå Idrettsrådet, som mellom anna ser på kostnaden med arrangementet for dei ulike idrettsgreinene og talet på deltakarar. Idrettslaga får fritt nytte kommunale idrettsanlegg mot at dei betalar for renovasjon og reinhald.

Utbetaling skjer to gongar kvart år. 75 % av tilskotet vert tildelt i april, søknadsfrist for resterande tilskot er 1. september. (Tilskotet vert tildelt etter fordelingsnøkkel lagt fram av Vaksdal idrettsråd)

Tilskot til song og musikklag

Tilskot blir gitt etter tilråding frå Vaksdal Musikkråd. Skulekorpsarbeidet og aktivitetar for born og unge er prioritert område. (Tilskotet vert tildelt etter fordelingsnøkkel lagt fram av Vaksdal Musikkråd)

Tilskot til instrument

Tilskotet skal bidra til at korps og kor i kommunen får høve til å fornye og utvikle instrumentparken sin. Vaksdal musikkråd har utarbeidd følgjande retningslinjer:

1. Det er ein føresetnad for tildelinga at korpset/koret held til i Vaksdal kommune og er aktivt medlem i Vaksdal musikkråd.
2. Einskildpersonar kan ikkje søkja.
3. Tilskotet skal gå til kjøp av instrument, ikkje til anna drift. Instrumentkjøpet skal dokumenterast i ettertids, og tildelt tilskot må brukast innan året er slutt.
4. Tilskotet skal ikkje dekkje heile kjøpesummen.
5. Skulekorps/barnekor kan få dekkja inntil 75% av kjøpesummen, vaksenkorps/vaksenkor kan få dekkja inntil 65% av kjøpesummen.
6. Ved kjøp av einskildinstrument med innkjøpspris på kr. 40.000,- eller meir, kan laget søkje om å få dekkja inntil 80% av kjøpesummen. Søkjarar må ha ein plan for eigenfinansiering av restbeløpet. Denne planen skal vere inkludert i søknaden.
7. Søknaden vert å sende på eige søknadsskjema
8. Vaksdal musikkråd utarbeider ei innstilling. Søknadene vert så handsama administrativt i Vaksdal kommune.

Tilskot til barne- og ungdomsarbeid

Tilskot til barne- og ungdomslag omfattar lag som driv aktivitetar primært for barn og ungdom.

Tilskot til ålemt kulturarbeid

Tilskot til ålemt kulturarbeid vert tildelt lag og einskildpersoner som i hovudsak ikkje har born og unge som si hovudmålgruppe, til dømes:

- Tilskot til einskildarrangement. Tilskipar legg ved informasjon om arrangementet, samt eit budsjett i balanse for tilskipinga.
- Tilskot til særskilde føremål. Til dømes startstilskot, publikasjonar og liknande som kjem innbyggjarane i Vaksdal kommune til gode.
- Tilskot til 17. mai komitear. Tilskotet vert fordelt etter tal born.
- Tilskot til 1. mai feiring. Tilskotet vert basert på omland og deltakarar

Krav til søkjar (alle tilskotsordningane)

For å få rett til grunnstønad til kulturarbeid i Vaksdal kommune vert følgjande kriterium lagt til grunn:

- Laget må vere lokalisert i Vaksdal kommune.
- Laget/aktiviteten må vere open for alle. Avgrensingar i alder er tillat.
- Laget må vere aktivt.
- Laget må leggje opp til eigenaktivitet, skaping, framføring, utøving, formidling eller tileigning av ferdigheiter/kunnskapar. Berre samkome er ikkje nok.
- Laget må sende inn godkjent årsmelding og rekneskap for drifta ved søknad om stønad.
- Laget må skaffe seg inntekt på annan måte enn ved kommunal stønad.
- Tilskot vert tildelt etter vurdering av medlemstal, driftskostnad, alderssamansetning og aktivitetsnivå.
- Interesseorganisasjonar, ideelle organisasjonar, livssynsorganisasjonar, partipolitiske lag og liknande kan berre få tilskot i samband med einskilde kulturarrangement.

Drøfting

Administrasjonen ser det som føremålstenleg å gå gjennom og revidera tilskotsordningane då det er nær 10 år sidan førre revisjon.

Administrasjonen ber om innspel til revideringa med føremål om:

- tilskotsordningar som fremjar inkludering i lag og organisasjonar
- korleis ein kan nytte ulike tilskotsordningar som tillitsbaserte støtteordningar målretta mot barn og unge som fell utanfor på grunn av manglande økonomi til å delta

Innpela vert tatt med vidare i dialog med Vaksdal musikkråd og Vaksdal idrettsråd.